

ՀԱՅԱՍՏԱՆ

Նոյեմբերի 21, 2023

Առանցքային տվյալներ.

101,848 փախստական է եկել Հայաստան

ՄԱԿ ՓԳՅ-ի կողմից տրամադրված ոչ պարենային ապրանքներ (ՈՊԱ)

- 12,845 անկողնային սպիտակեղեն
- 12,083 ծածկոց
- 12,167 բարձ
- 4,583 ներքնակ
- 3,919 ծալովի մահճակալ
- 1,399 խոհանոցային հավաքածու
- 3,583 հիգիենային հավաքածու

Ֆինանսավորում.

14.6 մլն ԱՄՆ դոլար

Ե պահանջվում 2023- 2024 թթ., այդ թվում՝ արտակարգ իրավիճակի արձագանքելու համար

Ֆինանսավորված՝ 49%



Պակասող ֆինանսավորում՝ 51%

7.2 մլն ԱՄՆ դոլար

Ե ստացվել առ 2023 թ. նոյեմբեր 21-ը

- ՄԱԿ ՓԳՅ-ն վերջերս հրապարակեց Միջգործակալական ընթացիկ ամփոփման թիվ 6 թողարկումը, որտեղ նկարագրված են արտակարգ իրավիճակի արձագանքման առանցքային զարգացումները 2023 թվականի նոյեմբերի 8-ից 14-ի ժամանակահատվածում:

ՄԱԿ ՓԳՅ-ն երախտապարտ է դոնոր կառույցներին աջակցության համար. Ավստրալիա | Բելգիա | Կանադա | CERF | Դանիա | Ֆրանսիա | Գերմանիա | Իռլանդիա | Զապոնիա | Նիդերլանդներ | Նորվեգիա | Լեհաստան | Շվեդիա | Շվեյցարիա | Միացյալ Թագավորություն | Ամերիկայի Միացյալ Նահանգներ

Իրավիճակի վերաբերյալ թարմ տվյալներ

Մեկ ամիս է, ինչ [Փախստականների կարիքների արձագանքման ծրագիրը](#) (ՓԿԱԾ) մտել է իրականացման փուլ, եւ դոնորների առատածեռն նվիրատվություններն արդեն իսկ գործընկերների հնարավորություն են տվել կենսականորեն անհրաժեշտ օգնություն ցուցաբերել Հայաստանում ապաստան գտած 101,848 փախստականներին:

Այսուհանդերձ, ՓԿԱԾ համար պակասող ֆինանսավորումը ներկայում կազմում է 78 տոկոս: Զմռանն ընդառաջ՝ կենսական օգնությունը շարունակելու համար անհրաժեշտ է դոնորների կողմից հրատապ ֆինանսավորում:

ՄԱԿ ՓԳՅ արձագանքումն արտակարգ իրավիճակին

Փախստականների պաշտպանություն

- ՄԱԿ ՓԳՅ-ն պաշտպանության մշտադիտարկում է իրականացրել Երեւանում եւ տասը մարզերում բնակվող **2,763 փախստականների (571 ընտանիք)** շրջանում: Առավել կարիքավորներին ՄԱԿ ՓԳՅ-ն ուղղորդել է իր գործընկերներին՝ ոչ պարենային ապրանքների (ՈՊԱ) աջակցություն ստանալու համար: Հաշվետու շաբաթվա ընթացքում ՄԱԿ ՓԳՅ-ն ամրապնդել է միջգործակալական ուղղորդման եղանակները՝ որպես արձագանք պաշտպանության մշտադիտարկման ընթացքում արձանագրված՝ փախստականների կարիքների:

- ՄԱԿ ՓԳՅ թե՛մ գծին փախստականներից **1,740 հեռախոսազանգ** է ստացվել, որոնք հիմնականում վերաբերվել են կացարանի, ֆինանսական, պարենային, հիգիենային պարագաների, կենցաղային սարքերի, անկողնային պարագաներ եւ հագուստի կարիքներին:

- Չորս համալսարանների՝ իրավագիտություն սովորող **25 ուսանողներ** մասնակցել են արդեն 12-րդ տարին անցկացվող «Փախստականների իրավունք» դպրոցին, որը կազմակերպվել էր ՄԱԿ ՓԳՅ-ի, «Առաքելություն Հայաստան» ՀԿ-ի, Երեւանի պետական համալսարանի եւ Միգրացիայի եւ քաղաքացիության ծառայության համատեղ ջանքերով: Եռօրյա դպրոցի նպատակն էր զարգացնել տարբեր բուհերի իրավաբանական կլինիկաների կարողությունները՝ անհատույց իրավաբանական խորհրդատվություն մատուցելու հարցերում:

Ապաստան եւ ոչ պարենային ապրանքներ (ՈՊԱ)

- Մինչ օրս, ՄԱԿ ՓԳՅ-ն իր գործընկեր «Առաքելություն Հայաստան» ՀԿ-ի միջոցով ՀՀ տարբեր մարզերում բնակվող **12,845 փախստականի (3,583 տնային տնտեսություն)** տրամադրել է 58,561 ՈՊԱ: Վերջին շրջանում բաշխումն իրականացվել է Լոռու, Կոտայքի, Շիրակի եւ Տավուշի մարզերում

Համակարգում

- Շուրջ 30 մասնակից ներկա էր ՄԱԿ ՓԳՅ եւ ՄԱԿ-ի մշտական համակարգողի գրասենյակի կազմակերպած՝ **դոնորների համակարգման երկրորդ հանդիպմանը**, որտեղ բարձրաձայնվեցին մեկ ամիս առաջ մեկնարկված՝ [Փախստականների կարիքների արձագանքման ծրագիր](#) (ՓԿԱԾ) ծրագրի իրականացման ընթացքում արձանագրված ձեռքբերումներն ու խնդիրները: Հանդիպման ընթացքում ոլորտների պատասխանատուները ներկայացրին իրենց ոլորտի զարգացումները, մասնավորապես փախստականների պաշտպանության, առողջապահության, կրթության, դիմակայունության, ՈՊԱ-ի/կացարանի/անոթի հարցերում:
- Գեներային հիմքով բռնության (ԳԲ) դեմ պայքարի ենթադրադրային աշխատանքային խումբը, որի ղեկավարներին է ՄԱԿ ՓԳՅ-ն, քննարկեց 2023 թ. հոկտեմբեր – 2024 թ. մարտ շրջանի Ռազմավարությունն ու աշխատանքային ծրագիրը, որի նպատակն է ԳԲ կանխարգելման, նվազեցման եւ միջամտությունների ուղղորդման ընդհանուր շրջանակ ստեղծել՝ ի պատասխան Ղարաբաղից փախստականների ժամանմանը Հայաստան:



Լոռու մարզ. ՄԱԿ ՓԳՅ-ն եւ պետական մարմինները տնային այցեր են կատարում ծանոթանալու փախստականների կարիքներին: ©UNHCR